



UPA 2017/119-01

26-04-2017

**Piginnaangorsaaqqinnissamut ikiorsiisarneq pillugu Inatsisartut peqqussutaata allanngortinneqarneranik Inatsisartut inatsisaat nr. xx, xxx 2017-imeersoq**

(Inuussutissarsiornermut, Suliffeqarnermut, Niuernermet, Nukissiuuteqarnermut Nunanullu allanut Naalakkersuisoq)

Piginnaangorsaaqqinnissamut ikiorsiisarneq pillugu Inatsisartut peqqussutaata allanngortinneqarnissaanut siunnersuut Partii Naleraq sinnerlugu imannak oqaaseqarfigissuara.

Siunnersuummi atuarsinnaasatta ilagaat siunnersuutip susassaqtunut assigiinningsunut tusarniutigineqarnerani ugornaraluartumik Qaasuitsup kommunia oqaaseqaateqaateqartoqarsimannilaq, naak qularnangitsumik kommunimi tassani suliffissaaleqineq annertungaluartoq aammalu pinginnaangorsaaqqinnissamut pisariaqartitsoqassangaluartoq.

Taamaakkaluartoq tusarniaanermi susassaqtunit allaniit qisuariaatigineqartut ilaat aallaavigalugit siunnersuummut naleqqussaanerit assigiinningsut ilanngunneqarsimasut takuneqarsinnaaput.

Aamma nuannaarutigalugu malunginiarparput piginnaangorsaaqqiinnermut atatillugu inuit ataasiakkaat piginnaassuseqarnerannut tunngatillugu misissuinernut tunngatigulu sulisunut ilitsersuusiortoqarlunilu pikkorissartitsisoqarnissaa pilersaarutigineqartoq. Tamannami pisariaqarluinnarmat.

Tassami inuit sulisinnaasut tamaasa atorfissaqartippavut, kisianni aamma eqqaamasariaqarparput ilaqaratta nappaammik allamilluunniit peqquteqartumik sulisinnaassutsimikkut pisinnaasaat killeqalersimasut.

Soorlumi aamma sammiinermi Naalakkersuisut oqaatigingaat; piginnaangorsaaqqinnissaq sioqqullugu qulaajaanermut tunngasut apeqqusiinissamut pissutissaqalersitsisut, taamaammallu

piginnaangorsaqqinnissap aallartinneqarnissaa sioqqullugu tamatigut qulaajaanermik ingerlatsisarnissaq maanna erseqqissarneqartoq.

Tassami aamma siusinnerusukkulli aamma piginnaangorsaqqiinnermut, suliffissaaleqisullu pillugit nalunaarsuinerit misissuinerpassuillu ingerlanneqartareerput, allaammi suliffissaaleqisunik nalunaarsuinerit atatillugu, inuit suliarternissaminnut piareersimasut, inuit annikinnerusumik piginnaangorseqqinnissaminnut pisariaqartitsisut, inuillu piginnaangorsaqqinnissamik katsorsarteqqaarnissamillu pisariaqartitsisut (tassa imaaliallaannaq suliarterninnaanngitsut) qanoq agguataarneqarsimanersut misissuiffiqineqarnikooreerput.

Isumaqarpugt suut tamaasa nutaamik aallaqqaataanillu aallartinngikkaluarlugit, misissuisimanerpassuit suliallu ingerlanneqareersimasut atorluarlugit suliat naammassiniartariaqartut.

Taama naatsumik oqaaseqarluta siunnersuutip aappassaanneerpeqannginnerani ataatsimiititaliami susassaqtumi sulia suliarineqarnissaa inassutingaarput.